

## Rivive il 25 febbraio l'antica tradizione pagana SCHÉLLA MARTZO

**È** finalmente arrivata la neve! L'inverno quest'anno ci ha fatto attendere e proprio negli scorsi giorni, a partire da domenica 5 febbraio, un manto bianco ha ricoperto l'intera Luserna. E sperando che continui a nevicare noi oggi vi raccontiamo del Martzo... antico rito che dovrebbe salutare l'inverno e che, negli ultimi anni, visti i cambiamenti stagionali, lo coglie proprio al suo apice.

Il 25 febbraio vi aspettiamo tutti a festeggiare con noi quest'antica tradizione: dalle 16 saranno disponibili in biblioteca dei laboratori per grandi e piccoli, alle 17.30 tradizionale giro del paese per la raccolta della legna, alle 18.30 partenza della fiaccolata dalla piazza, accompagnati dalle musiche dei Berserker, e alle 19 tutti con il naso all'insù per vedere il grande falò realizzato dai Vigili del Fuoco Volontari che, come sempre, ci aspettano poi per una pasta in compagnia!

Di zait sogiàrt z to bëksla un zo drema ma di tradizióngen, zum gelìkh, stian hërta in soi platz. Dar Martzo iz próprio ummana vo dise. Atz Lusèrn izzar hërta khent gevairt in lest tage von bintar. Disa tradizióng khint sichar auz von riti pagani, boda hatt auzgeschauget azpe dar "capodanno della natura" benn dar rif dar bintar un heft à dar lãngez. Ma alle bizzan, oramai, ke di zait iz

gebëkslt un ke di stadjóngen o soinnemear di gelaihege un defati, 'z soinn oramai a par a djar ke, pinn mánat von hornung hefta à dar djüst bintar atz Lusèrn.

Dise djar alle di kontràde von lãnt hãm gehatt soinn Martzo un hãm gemacht a gara vor berden hatt gemacht gròazar. Asò iz no vùrkhent ke, in abas voránahì epparummaz hatt vorprunt in sèll von ändarn. Von djar dar '90 dar Kulturinstitut hatt àgeheft aurizorichta disa manifestazióng pittar Pro Loco un pinn pompiarn au atz Kraütz.

Hãur o, in sunta vùnve von hornung hefta àgeheft z' snaiba: un alóra, est, pitt 30 skéi snea atti bisan matma sichar ren vo disan "Martzo" boda hatt zo riva...

Ditza djar dar Martzo bart khemmen gevairt an sãntza atz 25 von hornung. Azpe hërta in sèll tage barda khemmen augerichtet mearar sachandar: bar vennenaz alle di viaire in tages in di Bibliotèk vo Lusèrn zo macha "laboratori" vor di khlumman un vor di groazan un dena, di vùnve un a halbez geabar ummar par lãnt zo "Schèlla Martzo": lesante au 'z holz un tragante pinn karéttn au atz Kraütz, gevüart von Berserker; sèmm di pompiarn vo Lusèrn bartn zúntn, hërta pitt vil fantasia, daz groaz vaür, di sibane abas. Azpe hërta di pompiarn, pittar bichtige hilf von baibar vo Lusèrn, bartn boróatn



di tschoi pitt pasta, proat, khes... un 'z gevaira bartn khemmen Lusèrn: môrgas gianante zo tritzla nã in tritt von Sambinèlo, in tages segante in Dokumentationszentrum, 'z Haus von Prùkk un dena zo provàra zo khnöppla pinn baibar vodar Khnöpplschul vo Lusèrn un an lestrn segante in Martzo. Dopo an tage asò dise fremmege djunge bartn nèt mang tian pitt mindar zo halta gearn ùnsar Lusèrn.

Daniel von Polèz

Istituto Cimbro  
Kulturinstitut Lusèrn  
Tel. 0464-78.96.45  
info@kil.lusern.it  
www.lusern.it



## ZIMBAR KOLONIA UN SUMMAR KHINDARGART

Aperte le preiscrizioni alle due iniziative estive che coinvolgono bambini/ragazzi di età compresa tra i 3 mesi ed i 13 anni. Maggiori informazioni si potranno avere accedendo al sito [www.lusern.it](http://www.lusern.it) oppure chiamando direttamente l'Istituto Cimbro al n. 0464-789645.

Bar machanz bizzan ke dar Kulturinstitut Lusèrn, zo auzohalta da zimbarzung, lekk au, disan summar o, di zboa projekt: Summar Khindargart un Zimbar Kolonia. Dar Summar Khindargart bartze haltn in di mánat von hòbiat un snitt, von menta atn vrait; da Zimbar Kolonia bart innhaltn viar bochan un di laüt mang machan bizzan bele bochan sa hettatn liabar. Zo bizzasan mearar matma àruavan in Kulturinstitut Lusèrn atn nummar 0464-789645 odar gian atn sito [www.lusern.it](http://www.lusern.it).

## Ma schupft zo macha pasàrn in Giro d'Italia au pa Laas DAR GIRO AFTA ZIMBAR HOACHEBENE



**L**e APT dell'Alpe Cimbra e della Val Sugana sono pronte ad unire le forze per portare il Giro d'Italia sull'Altopiano Cimbro, con una tappa particolarmente suggestiva a Passo Vezzena dopo la famosa salita del Menador. Il 2018 sembra poi una scadenza perfetta, tenendo conto dell'anniversario della fine della Grande Guerra: Passo Vezzena, all'epoca confine imperiale, fu infatti teatro di guerra tra il '15 ed il '18.

Di loavar vodar gántzan bëlt boda loavan afti pestn beng von Beleschlãnt, di rósatn franén, groaze nem

azpe Coppi, Bartali, Basso un Pantani, di beldar, di lentla und di groazan stattn boda machan vo korin. Allz ditza machtaz khemmen gerãde in sint dar "Giro d'Italia", da gekhennate gara vo redar boda sidar hundart djar - da earst bóttã hattma geloft no 'z djar 1909 - rüaft zuar ploaze un ploaze loavar vodar bëlt boda, vor schiar viar bochan, machan di khear von Beleschlãnt, kuase 4.000 kilòmetre untar dar sunn odar in reng. Dar Giro, panãdar pittn Tour de France un di Vuelta a Espana, iz da bichtegarste gara vo redar sidar hërta. Vor ditza, alle djar, di lentar un di stattn machan a gara fra de se, z' sega berda bart khemmen zornirt azpe tappa. Vert, in 2016, dar Giro iz pasãrt zbisnen Andalo un Molveno un ploaze soinn gest di laüt boda soinn gerift odar zuargãnt z'sega di loavar: vor a par tang in di zboa lentar von Trentino izta gest allz a gevaira. Afta Zimbar Hoachebene, afti saitt vo Lusèrn, dar Giro iz nã pasãrt. Sidar a par mánat però, izta ummar di tschatschera ke furse fra na djar, in 2018, dar Giro bart pasãrn auvar da o: di Apt vodar Zimbar Hoachebene un da sèll vodar Valsugana soinn nã zo schupfa

zoa azta di gara pasàrn au pa Laas un fin in Vesan zo macha almeno a bóttã in lem in Kaiserjãgerweg schupfante afti pedèln khemmen sa her vodar gántzan Europa: belese, taütische, olandésan un frantzésan o, boda khòn un schraim ke disar bege iz ummana von pestn pontãrn von Beleschlãnt, nãmp in sèllnen von Giava, von Giau un von Duran. Soinnate asò stikl, parãrz ke dar Laas iz próprio dar bege boda süachan di organizatör vodar gara. Vo disa schümmãna idea hattma sa geredet pinn laüt vo Trentino Marketing, pinn Asesòr Dallapiccola un sinamai pinn Vorsitzar vodar Provintz Ugo Rossi boda hãm alle khött ke dar sèll bege berat a gántz schümmãna okkasióng vor in gántz Trentino, vor da Zimbar Hoachebene ma übarhaupt vor Lusèrn un vor di Zimbarn o. 'Z iz nèt da earst bóttã boda khint gemacht eppaz asò groaz auvar ka üs - pensãrbar lai in gare vo ski, azpe dar Trofeo Topolino, di bëltgare vo orienteering un asò vürsen - un asò dar Giro iz sichar a projekt bo barda alle mochan gloam un trang vür.

AVT



## LIRNEN AZPE BIAR

Aperte le iscrizioni ai corsi di cimbro, livello base e livello avanzato.

I corsi avranno luogo a partire dal mese di marzo nelle giornate e con orari da concordare con i corsisti. Gli interessati sono invitati a comunicare la propria disponibilità telefonando all'Istituto Cimbro - Kulturinstitut Lusèrn (0464-789645).

Bar machan bizzan ke auz pan earstn von lentz bartnda àhevan di "zimbarbüars". Berdãsan bill bizzan mearar mage àruavan in Kulturinstitut Lusèrn (0464-789645).

## ÜNSAR LUSÉRN IZ HÈRTA MEARAR GEKHENT IN DI BÈLT

**V**olete scoprire e approfondire le meraviglie di Luserna e dell'Alpe Cimbra?

Lingua, cultura, storia, tradizioni, sentieri tematici, figure dell'immaginario cimbro e molto altro sono oggetto di due importati trasmissioni televisive: "Sereno Variabile" di Rai Due con Osvaldo Bevilacqua (che è possibile rivedere alla pagina <http://www.raiplay.it/video/2017/02/Sereno-Variabile-34955996-f2c3-4e10-9093-1e2e03353375.html>) e "Trentino Esperienze ed Emozioni" di Trentino TV che verrà trasmesso domani - sabato 18 febbraio - alle ore 21.00 su Trentino TV ed in replica

domenica 19/02 alle ore 10:00 e martedì 21.02 alle ore 20:35, nonché sul sito [http://www.trentinotv.it/video\\_on\\_demand.php?id\\_menu=14](http://www.trentinotv.it/video_on_demand.php?id_menu=14)

'Z iz gest 'z djar 2007 balda dar gekhennate Osvaldo Bevilacqua vo "Sereno Variabile" izzaz khent zo venna atz Lusèrn zoa zo macha khemmen pezzar da ùnsar stòrdja, zung un kultür in laüt von gántz Beleschlãnt.

Vor zboa bochan izzaz bidar gest da Zimbar Hoachebene un, an sãntza 11 von hornung atn zboate kanal vodar Rai, izta khent gezoaget

allz daz sèll bodar hatt gisek da kan üs. Azzãrz nèt hat dartãnt z'sega bazta iz khent abenump mattãrz hërta tian gianante at disa saitt: <http://www.raiplay.it/video/2017/02/Sereno-Variabile-34955996-f2c3-4e10-9093-1e2e03353375.html>

Disa boch "Trentino Esperienze ed Emozioni" vo TCA iz khent atz Lusèrn, nã in tritt von Sambinèlo, zo khenna pezzar di ùnsar stãigela un di stòrdjela boda khemmen aukontãrt in di ùnsar hãisar sidar mearar baz tausankh djar. Dar bartet mang seng bazten iz khent gezoaget un kontãrt, mömg - an sãntza



18 von hornung di zene abas, an sunta 19 di zene môrgas un an erta 21 von hornung di achte un a halbez abas atn kanal 12 vo TCA.

Allz bart khemmen givãzzt afti saitt internèt vo Trentino TV o, gianante at [http://www.trentinotv.it/video\\_on\\_demand.php?id\\_menu=14](http://www.trentinotv.it/video_on_demand.php?id_menu=14)